

亞洲民族考古叢刊
第五輯

新疆研究
李寰著

南天書局發行

中國邊政學會主編

李

寰

著

邊疆政教叢書
新疆研究

羅元鑑



邊疆政教叢書總序

本會鑒於邊疆問題研究的重要，於創立之初（三十年八月），即編行邊政公論月刊一種，目的在以客觀的見地，真誠的研究，一方闡發一般邊政理論，使得邊政實施能有個正確的理论做參考基礎；一方研討實際問題，蒐集實地資料，冀能為建設邊疆盡其前哨的義務。換言之，即是努力去做研究邊疆和介紹邊疆的工作而已。至於其研究及介紹的具體範疇，在該刊的發刊詞中已敘述得非常詳盡。若再重複的一說，可簡括為以下兩點：

一、在政治方面，注意邊疆政策，邊疆政制和邊疆行政機構的研究和介紹。

二、在社會方面，注意邊疆宗族，邊疆自然環境和文化現象的研究和介紹。

自發刊以來，瞬及三年，因各方熱烈的協助，已有不少寶貴的收穫，但以被篇幅所限，許多長篇鉅製都無法容納；於研究方面嫌未夠深刻，於介紹上尙嫌未夠詳贍，良多遺憾。茲爲彌補此項缺點起見，特編行邊疆政教叢書，期能與邊政公論相配合，以加強對於邊疆政治和社會之探討。增廣邊事上的參考資料，而完成上述的目的。尙希海內宏達多賜匡助，不勝感幸，是爲序。

中華民國三十三年九月 中國邊政學會出版組

新疆研究序

談西北國防者，必曰蒙藏新疆，而新疆位於蒙藏之間，臂指相聯。自漢武帝通西域後，兵屯流戍，建置獨早。數十年來，已爲中西交通之孔道，商旅成卒，往來頻繁，而以海通以前爲尤甚。歷代治邊，莫不加以意綏撫，俾與蒙藏相依爲固。

曩者籌邊政策，止於撻伐羈縻。清代怵於內憂外患之紛至迭乘，建置始稍積極，新疆省制定於斯時，然亦僅甫具初基，未宏遠略。自國父中山先生揭櫫五族一體互相平等之義，邊疆與內地之建設，在國防上或有緩急之不同，而在庶政方面，則已無軒輊之分。舉凡政治文化經濟交通諸般設施，足以增進全民之幸福，加強各宗族間之團結者，皆應普遍建樹，期共躋於富強康樂之境，此種歲以來新疆之建設所以與蒙藏同爲舉國上下所重視者也。

願建設必根據於研究，方能實施有效。研究云者，實地考察，作科學之勘测，此一端也。蒐討載籍，作文獻之整理，此又一端也。方今新疆科學考察工作，已爲中樞及各方人士所重視，將汲汲以赴之。而於其文獻整理之功，當亦未可或緩。本會委員李君定宇，以其餘暇，殫精搜討，撰爲新疆研究一書，綜輯諸說，徵引繁富，整理之功，可謂勤矣。讀者循是以求，瞭然於新疆今昔情勢，進而更作科學實地之探索。其於新疆之建設，庶幾日有進乎，敬以爲序。

中華民國三十三年三月吳忠信

新疆研究序

李君定宇以所著新疆研究總目寄余平江軍次，余已以「建設邊疆。貢獻偉大」題其端矣。茲更引申其說而爲之序曰：中國之國防，自有史以來，卽重在東北，偶一疏忽，頗有亡國之虞。元起自北，清入自東，其著例也。今倭寇將平矣，而北患尙隱而深，不深維久長之計，早將邊塞化爲城郭宮室之國，難免不再見胡元之禍。余幼習兵事，中年督理四川軍務，旋開府萬縣，駐節貴州。抗戰軍興，又復奉命轉戰蘇、皖、贛、湘間，所至稍暇卽從事地方建設者，正以師昔年左季高劉錦棠經營新疆政軍並施之成規也。安邊境，立功名，在於良將，余固不敢有將六軍絕大漠之想。然衛國保境，爲吾輩天職。其於邊疆政治經濟文化建設之研討，亦何可一日懈，李君此著，頗大有助於余焉。余聞之，著書當有益於世，方爲不朽，今國人方汲汲於邊事，而李君應時而成此書，其關係於世爲何如耶！宜爲不朽之業矣。外國學士大夫，平時注意研究調查，國施一策，行一政，則羣起而著書立說以發揮之，批評之，助成之。日寇之入據我東北也，關於滿洲政治經濟文化之著述，一時而有數十種之印行，皆其國專門名家所貢獻，施政者頗收集衆思廣忠益之效。蒙古新疆近三十年來，不與內地通，學士大夫雖欲有所著述，無由得其材料，關於新疆者，如李君所參考，雖新舊合計亦不下數十種，然概多揣測，難期正確。李君自來留心史冊，近年供職蒙藏委員會。所收資料，往往

爲實地調查未經發表者，且隨時聽取專家意見，經十分慎重考慮而後著爲己論，其貢獻於建設新疆者，詎非偉大哉！余所怪者，歐洲民族重海外發展，以本國國旗懸樹於未開地爲榮，尤以英吉利國，以壯有材力之國民爲先導，而到處開闢新領土，誇其國旗常爲目所照臨，何以我國蒙古新疆數百萬方里之沃野尙少居人，豈交通不便，地方未靖，難安居樂業，而國人離鄉背井而赴南洋美洲者絡繹於途也。爲西北國防計，似宜施行拓殖教育，以蘭州爲中心，而獎勵內國移民，務使國內人口密度，得適當平均，否則一有軍事，萬里餽糧，殊爲危險。日本人之言曰如中國仍然政治腐敗，人民生活窮窘，日本人尙有向中國移植之希望，

裹足不前歟？抑政府重內地而輕邊疆，施政未善，人民不堪其苛擾，而棄而不顧歟？不然，何我

建設邊疆

貢獻偉大

楊希題

無奈其國內新興之氣運激增，正能消化其人口，使日本對中國殖民之政策，受其阻止，是以知我國如欲防止外國之侵略，亦當改善政策，而使國內人口平均消化之也。李君本書亦列有此目，未識其主張，有與余意合者乎！并書以質諸李君，冀其早付剞劂，俾得而參證焉！

中華民國三十三年楊 森序

新疆研究序

新疆地廣人稀，氣候溫和，其南路饒蠶桑棉稻林礦之利。自漢代經營，以敦煌爲交會華夷一大都會，凡苜蓿、葡萄、天馬、和玉彰於史冊，其間雖羈縻同化，或張撻伐，政策匪一，其結果所得，弱則內附，強則侵叛，同則肝膽，異則胡越，其癥結所在，則由彼此畛域未化，內懷疑忌，消長起伏，治悔亦因之而不同；然邊民非不可化也，王輔嗣易例云：「苟融其情，不憂遼遠；苟明其趣，不煩強武。」又云：「近不必比，遠不必乖，誠知萬物之情趣，則虎狼有仁，豚魚感信，安在其不可治乎。」中庸有云，「惟天下至誠爲能經綸天下之大經，立天下之大本，凡有血氣，莫不尊親，」然則歷代防邊之得失，可一言以決之曰，誠僞判也。我總理天縱之聖，以五族爲一家，以世界爲大同，以仁義和平爲應用，邊地設施，與內地一律平等，視如子弟，親若樹蘭。畛域既除，福利與共，斯可利萬世而無弊者也。近以邊疆問題。關係國防重要，研究者風起雲湧，然不若余友李定宇君所著之新疆研究一書，部數十萬言，探賾索隱，於歷代治亂利弊，均逐步檢討，以爲總理言論爲歸宿，廓清一切駢枝

岐論，可謂抉擲得要領，留心邊務者，人手一藉可也。時民三十三年，威遠曾擴情拜序

新疆研究序

新疆居亞洲之中樞，爲我西北之屏藩。自古兵家之所必爭，亦我建國所不可或缺者也。歷稽往史，代有明徵。漢弱匈奴，唐滅突厥，胥先戡定西域，鞏固河湟。元初疆宇，度越古今，亦先經營西域而後四征弗庭。降至清季，西北多故，賴有左文襄撐柱其間，力主國防不可偏廢之議，湖湘子弟，揚威天山。嗣并倡建新疆行省，政制改革，規模稍具。觀其奏議，謂重新疆所以保蒙古。保蒙古所以衛京師。亦何言之切至也。今雖時移勢異，然西北仍爲建國之重心，而西北建設，自又當以新疆爲最重要之一環，故年來言國防講邊務者，莫不以開發新疆爲首務。

吾友李君定宇，覃研國故，商討有年，比歲供職中樞，懷於官守，益究心邊政，雪纂風鈔，罔間昕夕，頃成新疆研究一書，都二十餘萬言，徵序於余，余維新疆建置爲時匪久，文獻未備，無可諱言，願自來言邊事者，必首及西域，賈誼通政語上篇，黃帝西濟積石，涉流沙，登於崑崙，司馬遷史記大宛傳是爲西域見於戰籍之始。自是以降，述作漸多，然或侈陳

武功，或誇張神蹟，其甚者詳於宦轍，而轉略民生，偏於舊聞。而反遺現狀，時代所囿，賢者病之。其較為賅備者，則惟新城王樹枏之新疆國界圖志新疆圖志兩書，其他坊本流傳，似亦寥寥可數。以青菟采之富、計劃之周，殆未有先於定宇此書者也。定宇才高而識宏，學優而年盛，既以致力邊疆引爲畢生志業，余甚冀其爲張博望班定遠一流人物，并踵武林文忠左文襄諸賢於邊疆有重大之建樹，定宇勉乎哉！抑又聞之，建設西北既必自建設新疆始，則研究西北，亦必自研究新疆始。方今國際之風雲正亟，最後之勝利將臨，讀是篇者其有投袂而起者乎？是又作者之微意云爾。民國三十三年五月綿竹曹經沅

新疆研究序

吾友萬縣李君定宇著新疆研究一書成，將付剞劂，以稿示余，并屬爲之序。余受而讀之，凡上下兩卷。上卷總論，下卷各論。總論分七章，章又各爲數節。各論分政治交通經濟文化社會國防六篇，篇又各爲數章，章亦分節。舉凡建設新疆之理由，歷代經營新疆之策略及今日建設新疆應有之認識，總論詳之矣。而建設新疆之辦法，就歷代之成規，分別加以批判主張，則備見於各論。都二十餘萬言，讀竟，爲之序其後曰。孟子云，國之寶三，土地、人民、政事。此三者，以次第言，先土地，次人民，而後政事。以因果言，應先政事次人民而後土地。曠無居人，則土地不可寶也。施政不良，誰願受一塵而爲民？生齒不繁，田野不闢，貨財不聚，土地雖爲寶，如壁藏於璞，亦未可以爲寶也。反之，而挾其有良好組織之政事，以驅遣有嚴格訓練之人民，而獲得土地之寶者，古今中外，不乏其例。余嘗北遊外蒙古矣，自恰克圖沿中俄界道而東西行數百里間，見彼我之人民政事，已知吾外蒙古之龐大土地可寶而不可保矣；訪所謂昔之屯墾地者，往往無蹟，或僅見其遺蹟而無耕地耕人，直棄地莫居

千餘里矣；寶土地者固若是乎。以之視新疆，殆無有異。余以是主保存新疆土地，應選擇良吏，施行清明政治，厲行國內移民。其辦法，李君此書亦言之。余之所見與李君異者，李君主新疆徙民，仿意大利移民其國南部之辦法。余則以新疆內外政治關係，應如德之移民東普魯士。相其陰陽之和，嘗其水泉之味，以營邑立城，製里割宅；又爲築室家，置器物焉。俾民至有所居，作有所用。人民自輕去故鄉而勸之新邑也。爲設地代銀行，發行土地債券，俾徙民以值從土著者購置土地，免土著者與徙民間起地權糾紛，人民自相安於無事也。爲置醫巫以救疾病，以修祭祀，男女有婚，生死相恤，墳墓相從，種樹畜長，室居完安，人民自願樂其處而有長居之心也。而新疆移民之先決問題，尤在鐵道交通焉。抑余更有不得已於言者，當此大地人滿爲之患之際，不容有荒蕪不治之土地存在。雖瘠薄不毛之地，亦改良之以植人畜必要之作物。況如新疆之沃野數百萬方里乎。天下一家，又不當重內地而輕邊疆。況新疆爲吾祖先西來之最初治地乎。新疆存，則中原有屏蔽，蒙古亦易控制。新疆如不幸而失於俄，則以其軍事政治力，可南略印度，東取中國；如失於英，則英國可囊括中亞細亞，縱斷西北利亞，而吾國自受其弊。是新疆不獨關中國之存亡，亦世界和平之基地也。可不慎哉！

或曰，中國建設，應先內地以固腹心。此言誠然，而余不盡以爲然。一國猶一身也，血脈貫通，一有不適，則全身受其病。腹心有疾，固可以及於四肢，而四肢有病，亦可害及腹心。一牙至微也，往往因一齲齒而令半身不遂，甚至全身麻痺而死。臟腑之病，至難治也。每因外部健強而無形消除。一國之通都大邑，人民多習於奇邪而令政治隱敗。每積弊至不可剔拔，反不如邊疆之如白紙，可任意施繪事也。苟能如李君本書所建議，從事邊疆事務之官吏，待遇較內地爲優；邊地之交通及其他一切設置，不特應有盡有，且較內地更爲完善，則人盡趨之矣。數十年後，新疆必大有可觀。鄰國絕覬覦之念，世界奠和平之基，新疆土地之可寶，有如是者。或又以回民不相容爲慮。余以爲在上者如實行三民主義，發政施仁，執行者又清白乃心，徙民亦以共存共榮之心待土著，則回民非好亂者，又何不相容之有。李君志切龍沙，佐吾鄉楊子惠將軍幕久，將軍頗有漢虎臣衛青霍去病浮河絕漠之氣概，李君受其薰染，亦如欲張博望傳介子立功絕域。觀其對邊事侃侃而談，信筆直書，如瀉江河，至數十萬言不能止，其參考文獻，達二百餘種之多，可知其留心不自今日始也。余少習農學，教授舊京二十餘年，暇則實地調查農桑，徧歷各省。惟南不至雲南，北不至新疆。今讀李君所著，其於

新疆自漢以來之土地人民政事，瞭若指掌。并今後如何保持此三寶，正多與余意合，受益良多。李君欲余序以益其書，今若此，直李君益余耳，余安足益李君哉，故序以置諸後。

中華民國三十三年夏四月廣安周建侯

新疆研究自敘

今之新疆，卽古西域，史稱其爲古雍州外地。與中國交通，究始何時？經傳無明文。賈子修政語上篇曰：黃帝西濟積石、涉流沙、登於崑崙。是黃帝之時，已有流沙崑崙之傳聞矣。顧亭林天下郡國利病書亦謂：西域在唐虞卽已率教，禹貢西戎卽敘，周書西旅底賁厥罔可證。近人顧實穆天子傳西征講疏引竹書紀年曰：「穆王十七年，西征昆侖丘，見西王母。」且謂其自宗周登崑崙以至高加索山之達利厄耳峠道，北抵歐洲大平原。由賈長沙與兩顧先生之說徵之，西域在唐虞三代之世，與中土非無往來，不過似只限於朝貢周覽，而交通不如後代之頻數耳。自司馬遷贊大宛列傳謂：禹本紀言，河出崑崙，而張騫窮河源，惡睹所謂崑崙，故言九州山川，尙書近之，禹本紀山海經所有怪物，余不敢言之說出，班孟堅傳西域，只言西域以孝武時始通，而不及孝武以前之史實。范蔚宗後漢書亦然，且更云：「西域風土之記，前古未聞。」或亦囿於史公之語，而不敢遠溯博徵也乎。寔竊以爲黃帝登崑崙，穆王征昆侖丘，見西王母，古籍紀述，斑斑可考。證以梁任公人種西來說，西域當爲華族當年繁衍地區之一，與中國有五千年歷史關係，尤覺確鑿可信。因其具有歷史上之密切關係，而復雄據形勝，崑崙祁連，高屋建瓴，綰轂中外，襟帶西北，自來建國中華者，無不視爲有得之者存，失之者亡，之重要性，綜觀漢、唐、元、清，咸以能控馭絕域，而聲威赫濯，魏、晉、